



Broj/ Број: 01/a-50-1-15-81/10
Sarajevo/Сарајево, 14.7.2010.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: Obavještenje

Predstavnički dom Parlamentarne skupštine BiH je na 81. sjednici, održanoj 14.7.2010., razmatrao materijale koji su u nadležnosti i Doma naroda, o čemu vas obavještavamo kako slijedi:

1. Prijedlog zakona o izmjenama i dopunama Zakona o zaštiti tajnih podataka, predlagač: Vijeće ministara BiH, zakon broj: 01,02-02-8-19/10, od 4.2.2010., sa Izvještajem Zajedničke komisije za nadzor nad radom Obavještajno-sigurnosne agencije BiH;
2. Prijedlog zakona o izmjenama Zakona o upravnim sporovima Bosne i Hercegovine – predlagač: Vijeće ministara BiH, zakon broj: 01,02-02-5-39/10, od 4. 6. 2010. (drugo čitanje);
3. Prijedlog zakona o međunarodnom i međuentitetskom drumskom prijevozu, predlagač: Vijeće ministara BiH, zakon broj: 01,02-02-3-44/10, od 16.6.2010. (prvo čitanje);
4. Informacija Ministarstva sigurnosti BiH o policijskim aspektima akcije „Svjetlost“ i mjerama koje su tim povodom preduzete, materijal broj: 01,02-04-395-1/10, od 25.6.2010.;
5. Informacija Vijeća ministara BiH o terorističkom napadu na Policijsku upravu u Bugojnu (zaključak Doma sa 80. sjednice, održane 30.6.2010.)¹
6. Informacija o stanju javne zaduženosti Bosne i Hercegovine na dan 31.12.2009., materijal broj: 01,02-16-1-742/10, od 4.6.2010.;
7. Davanje saglasnosti za ratifikaciju:
 - a) Sporazuma između Vijeća ministara Bosne i Hercegovine i Vlade Republike Turske o saradnji u oblasti zdravstva;
 - b) Ugovora između Bosne i Hercegovine i Kraljevine Španije o izbjegavanju dvostrukog oporezivanja i sprečavanju fiskalne utaje u odnosu na poreze na dohodak i imovinu;

¹ Za raspravu o tački 5. poslužio je materijal proslijeđen od Zajedničke komisije za odbranu i sigurnost BiH - Prijedlog mjera Ministarstva sigurnosti BiH i informacije i predložene mjere policijskih agencija BiH u vezi s terorističkim napadom na Policijsku upravu u Bugojnu s Mišljenjem Zajedničke komisije, s obzirom da Vijeće ministara BiH nije dostavilo Informaciju o terorističkom napadu na Policijsku upravu u Bugojnu.

- c) Ugovora o garanciji za Kreditnu liniju Agencije za osiguranje depozita Bosne i Hercegovine između Bosne i Hercegovine i Evropske banke za obnovu i razvoj.

Ad.1.

Predstavnički dom *nije prihvatio* negativan Izvještaj Zajedničke komisije za nadzor nad radom Obavještajno-sigurnosne agencije BiH, te je u skladu s članom 112. stav (4) Poslovnika Predstavničkog doma obustavljen zakonodavni postupak.

Ad.2.

Predstavnički dom *je usvojio* u drugom čitanju Zakon o izmjenama Zakona o upravnim sporovima Bosne i Hercegovine.

Ad.3.

Predstavnički dom *usvojio je* u prvom čitanju Prijedlog zakona o međunarodnom i međuentitetskom drumskom prijevozu.

Ad.4. i Ad.5.

Predstavnički dom *primio je k znanju* Informaciju Ministarstva sigurnosti BiH o policijskim aspektima akcije „Svjetlost“ i mjerama koje su tim povodom preduzete.

U raspravi su predloženi zaključci koji nisu dobili potrebnu entitetsku većinu pa slijedi usaglašavanje u Kolegiju kao komisiji. Zaključci glase:

1. Obavezuje se Vijeće ministara BiH da bude nosilac definiranja strategije sigurnosti BiH a ostala ministarstva da budu tijela za izradu strategije sigurnosti BiH. U toku definiranja i izrade strategije sigurnosti BiH neophodna je koordinacija između nosilaca aktivnosti tijela koja će sarađivati i radne grupe koja će raditi na izradi strategije sigurnosti BiH.
Vijeće ministara BiH imenovat će radnu grupu eksperata iz svih oblasti i osigurati uslove neophodne za kvalitetan rad.
Po završetku izrade, strategija sigurnosti BiH bit će prezentirana članovima Predsjedništva BiH koji će, nakon prihvatanja, dati odobrenje za upućivanje konačnog dokumenta u parlamentarnu proceduru.
Radi otklanjanja tehničkih problema koji se mogu javiti u procesu definiranja strategije sigurnosti BiH, neophodno je razraditi metodologiju definiranja strategije sigurnosti BiH, dinamički plan i plan nadzora nad izradom projekta.
Zato treba zadužiti Ministarstvo sigurnosti BiH kao ključno ministarstvo za koordinaciju i izradu dokumenta. S obzirom na veliki značaj izrade dokumenta „Strategija sigurnosti BiH“, vremenski okvir za realiziranje projekta je oktobar 2010.
2. Predstavnički dom PSBiH zadužuje Vijeće ministara BiH da mu u roku od 10 dana dostavi prijedlog sveobuhvatnih mjera usmjerenih na suprotstavljanje terorizmu, ekstremizmu, radikalizmu i fašizmu.

3. Predstavnički dom zaključuje da će, najkasnije u roku od 15 dana, razmotriti prijedlog sveobuhvatnih mjera Vijeća ministara BiH usmjerenih na suprotstavljanje terorizmu, ekstremizmu, radikalizmu i fašizmu.
4. Informacija se, zajedno s zaključcima, vraća nadležnoj komisiji koja će još jednom razmotriti i postojeće dokumente i informaciju Vijeća ministara BiH koja će u međuvremenu biti dostavljena.“

Ad.6.

Predstavnički dom nije se izjašnjavao o Informaciji o stanju javne zaduženosti Bosne i Hercegovine na dan 31.12.2009., s obzirom da su u raspravi predloženi zaključci koji nisu dobili potrebnu entitetsku većinu pa slijedi usaglašavanje u Kolegiju kao komisiji. Zaključci glase:

1. Predstavnički dom PSBiH vraća na doradu Informaciju o stanju javne zaduženosti BiH na dan 31.12.2009.
2. Zadužuje se Vijeće ministara BiH da dorađena informacija sadržava podatke tražene zaključcima Komisije za finansije i budžet Predstavničkog doma PSBiH.
3. Informacija treba biti dopunjena i podacima o zaduženosti svih nivoa vlasti u BiH kod komercijalnih banaka (općina, kantona, entiteta, javnih institucija) kao i o zaduženosti građana i privrede.
4. Informaciju treba dopuniti procjenom zaduženosti BiH na osnovu planiranih projekata za BiH.
5. Rok za dostavljanje dorađene informacije o zaduženosti je 30 dana.
6. Izjašnjavanje o materijalu odgoditi zbog odsustva ministra.
7. Predstavničkom domu potrebno je dostaviti revidiranu informaciju kojom će biti obuhvaćen period do 30.6.2010., jer je u međuvremenu bilo novih zaduženja.

Ad.7.

Predstavnički dom ***dao je saglasnost*** za ratifikaciju:

- a) Sporazuma između Vijeća ministara Bosne i Hercegovine i Vlade Republike Turske o saradnji u oblasti zdravstva;
- b) Ugovora između Bosne i Hercegovine i Kraljevine Španije o izbjegavanju dvostrukog oporezivanja i sprečavanju fiskalne utaje u odnosu na poreze na dohodak i imovinu;
- c) Ugovora o garanciji za Kreditnu liniju Agencije za osiguranje depozita Bosne i Hercegovine između Bosne i Hercegovine i Evropske banke za obnovu i razvoj.

PREDSJEDAVAJUĆI
PREDSTAVNIČKOG DOMA
Niko Lozančić